

**Salang Gesa Pemimpin Akar Umbi BN Peringkat Kerjasama Perkukuh Parti  
Bernama  
27 Oktober, 2012**

PAKAN, 27 Okt (Bernama) -- Pemimpin parti komponen Barisan Nasional (BN) peringkat akar umbi harus mempertingkatkan kerjasama terutama ketika menjayakan program parti bagi memperkukuhkan BN.

Timbalan Menteri Penerangan Komunikasi dan Kebudayaan Datuk Joseph Salang berkata mereka tidak harus membiarkan perbezaan pendekatan dan ideologi menghalang perpaduan serta semangat persaudaraan sesama mereka dan masyarakat.

"Kita mesti berusaha untuk lebih menyeluruh dalam apa yang kita lakukan ke arah kebaikan rakyat. Kita mesti libatkan semua orang...pemimpin parti dan anggota biasa, penjawat awam, pemimpin masyarakat serta rakyat sendiri," katanya berucap merasmikan Festival Pakan, di sini malam tadi.

Katanya itu adalah satu cara untuk membantu BN terus kukuh dan relevan.

Terdahulu ketika merasmikan konvokesyen mini untuk 90 murid Tadika Kemas di dewan komuniti Julau, Salang yang juga Anggota Parlimen Julau, berkata pemerhatiannya mendapati murid perempuan menunjukkan prestasi lebih baik walaupun pada peringkat prasekolah.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=704984>